

Diklarason di Direitus di Vítimas di Massachusetts M.G.L. Ch. 258B

Diklarason di Direitus di Vítimas di stadu di Massachusetts (*Massachusetts Victim Bill of Rights*) ta da vítimas i tistimunhas di krimis **sirvisus i apoiu** na sistema di justisa kriminal. Kes direitus la ta djuda vítimas, tistimunhas i famílias djobe **justisa**, má tanbe es ta difende ses **siguransa** i direitu di **partisipa** na sistema.

VÍTIMAS TEN DIREITU DI:

Antis di julgamentu i duranti prusesu penal:

- Dadu informason sobri prusesu penal i kuze ki es pode spera
- Ser avizadu sobri datas di julgamentu, adiamentus i dispuzison final di kazu
- Papia ku prokurador duranti prusesu penal
- Sta prizenti na tribunal duranti tenpu di julgamentu i spéra nun ária ki ten siguransa
- Nega da intrivistas ku adivogadu di réu (algen ki sa ta julgadu) o ekipa di invistigason
- Dadu informason sobri konsultas ku pisikólugus i otus sirvisu
- Dadu informason sobri ajuda finanseru (en dinheru) ki ten, inkluindu indeminizason i konpensason pa vítimas
- Torna dadu kuzas di ses ora ki es ka mestedu más komu prova na julgamentu
- Dadu lisensa di trabadju ora ki es sta obrigadu a parse na tribunal
- Da un diklarason di vítima (*victim impact statement*), oral o skrebedu, na dia di sentensa

Dipós di kondenason:

- Resebe informason sobri kondison ki un kriminozu kondenadu ta dadu, indiminizason, i audiénsias na tribunal rilasionadu ku liberdadi vijiadu (*probation*)
- Da un diklarason di vítima na fixa di liberdadi kondisional di kriminozu
- Dadu informason i ajuda na prusesu di pidi CORI
- Ser sertifikadu pa resebe informason sobri kriminozu, si el dadu liberdadi, si el transfiridu pa un kadia ku más poku siguransa, o si el fuji di kadia

Si bu meste más sklaresimentu sobri kes direitu i sirvisu, pur favor kontákita:

Pa bu konsigi más informason, bu pode kontákita tanbe Sirvisu di Asisténsia pa Vítimas di Massachusetts (*Massachusetts Office for Victim Assistance*),
pa tilifoni: 617-727-5200.